

COLLECTIVITE DE CORSE

ASSEMBLEE DE CORSE

1<sup>ERE</sup> SESSION EXTRAORDINAIRE DE 2019  
31 JANVIER ET 1<sup>ER</sup> FEVRIER 2019

N° 2019/E1/007

**MOTION  
AVEC DEMANDE D'EXAMEN PRIORITAIRE**

- POSTA DA : U GRUPPU « CORSICA LIBERA »  
- UGETTU : RIFORMA DI U BASCIGLIÈ.
- 

**VISTU** u decretu N° 2018-614 di u 16 di lugliu di u 2018 mudifichendu e dispusizione di u codice di l'educazione chì toccanu à l'insignamenti chì portanu à u bascigliè generale è à e furmazione tecnulogiche chì portanu à u bascigliè tecnulogicu,

**VISTA** a deliberazione N° 18/415 di l'Assemblea di Corsica di u 26 d'ottobre di u 2018 dumandendu chì a lingua corsa fussi pruposta cum'è insignamentu di specialità in ogni liceu generale di l'isula in u dispositivu novu di a riforma,

**CONSIDERENDU** a risposta di a rettrice di l'Academia di Corsica in u cutidianu Corse-Matin di u setti di ghjinnaghju di u 2019,

**CONSIDERENDU** dunqua chì a dumanda di l'Assemblea di Corsica hè stata presa in contu,

**CONSIDERENDU** chì per avà e lingue dette regionale sò integrate in una specialità « lingue, litterature è culture strangere è regionale,

**CUNSIDERENDU** chì e lingue anziane anu una specialità specifica « lingue è culture di l'antichità »,

## **L'ASSEMBLEA DI CORSICA**

**DUMANDA** chì a specialità di lingua detta regionale sia specifica, spiccata da a specialità di lingua stranera, da dà li un cuefficiente attrattivu d'almenu 10% di a nota finale.

**DUMANDA** à u cunsigliu esecutivu in carica di a lingua corsa è à a cummissione ad hoc in carica di a lingua corsa d'inizià tuttu ciò chì hà da parmette di sbuccanni nantu à sta quistione à u più prestu da chì sta riforma possi permette d'accimà l'uggettivi di u Pianu Lingua 2020, quelli di a convenzione CDC-Statu è di sviluppà l'insignamentu bilinguu à u collegiu è à u liceu.

**MANDA** una delegazione di l'Assemblea di Corsica è di u Cunsigliu esecutivu per negozià a riforma di u basigliè direttamente cù u Ministru di l'educazione naziunale è di a ghjuventù.